



Pou Piblikasyon Imedya: 01/09/2022

GOUVÈNÈ KATHY HOCHUL

GOUVÈNÈ HOCHUL BAY MIZAJOU SOU REPOSNS ETA A POU ENSANDI FORÈ NAPANOCH POINT NAN REZÈV PAK ETA MINNEWASKA

Ensandi a aktyèlman nan apeprè 65 ekta

Gad Forè yo nan Eta a kontinye ap dirije kòmandman milti-ajans nan kad ensidan patnè eta ak lokal yo, gad nasyonal; 20 ponpye Quebec ki rive jodi a

Gouvènè Kathy Hochul jodi a bay yon mizajou sou efò kowòdone pou kontni ensandi forè Napanoch Point k ap boule nan Rezèv Pak Eta Minnewaska. Avèk Gad Forè Depatman Konsèvasyon Anviwònmantal (Department of Environmental Conservation, DEC) Eta a k ap dirije repos ak ensidan an koperasyon ak Biwo Pak, Rekreyasyon ak Prezèvasyon Istorik (Office of Parks, Recreation and Historic Preservation, OPRHP), Divizyon Sekirite Teritwa ak Sèvis Ijans (Division of Homeland Security and Emergency Services, DHSES), Lapolis Eta New York, Konte Ulster ak anpil lòt patnè Eta ak lokal, Gouvènè a [te deplwaye dènyèman](#) lòt resous Eta a ki gen ladan pèsonèl ak elikoptè UH-60 Black Hawk Gad Nasyonal Lame. Ven ponpye ki soti Quebec te rive nan New York jodi a pou sipòte repos lan. Kounye a plis pase 200 ponpye, operatè bouldozè, pilòt, ak lòt anplwaye pwofesyonèl ak volontè ap travay pou kontni ensandi a ki aktyèlman estime nan 65 ekta tè nan gwosè.

"Nou kontinye swiv ensandi k ap boule nan Rezèv Pak Eta Minnewaska epi n ap deplwaye resous ki nesesè pou kontni ensandi an a epi kenbe Nouyòkè yo an sekirite", **Gouvènè Hochul te deklare.** "Yo pa rekonèt Eta New York pou ensandi forè laj ak destriktè yo obsève nan Lwès la, men yo rive epi kontinye se yon danje, espesyalman avèk ogmantasyon enpak chanjman klimatik sechrès alimante ki egzije pou nou prepare pou tout kalite sitiyasyo meteyo ekstrèm. Mwen ankouraje tout Nouyòkè yo pou yo rete vijilan epi remèsyé premye sekouris nou yo ak manm sèvis yo k ap travay tout lajounen ak lannuit pou pwoteje kominote nou yo".

Ensandi Napanoch Point lan nan Rezèv Pak Eta Minnewaska a te kòmanse ankò pandan wiken nan akòz yon kout loraj yo sispèk epi ensandi an te pwopaje nan anviwon 65 ekta nan pak la. Lapli ki te tonbe nan lannuit madi a te ede ralanti ensandi pwopaje yè epi te pèmèt ponpye yo konstwi liy kontwòl. Ensandi an ka ogmante akòz kondisyon sèk ak van ki prevwa pandan plizyè jou k ap vini yo. Eta New York kontinye siveye kondisyon meteyo yo. Gen de lòt ensandi ki toupre ke y ap rezoud semèn sa a

nan kad konplèks ensandi Shawangunk lan, Stony Kill ak Wurtsboro, kounye a anba kontwòl nèt.

Pa gen okenn kay oswa biznis ke ensandi an te afekte nan moman sa a. Kòm prekosyon pou pwoteje kay ki pwòch ensandi an, Gad Forè DEC yo ak volontè anplwaye yo pral byento travay nan vil Warwarsing toupre Berme Road pou mete yon liy ensandi ijans an plas.

Rezèv Pak Eta Minnewaska pral fèmen pou tout vizitè yo pandan wikenn Fèt Travay la. Fèmti a pral ranfòse avèk rijidite pou pwoteje sante ak sekirite vizitè yo epi pèmèt anplwaye pak la yo konsantre sou etenn dife a. Mizajou yo sou estati pak la disponib [isit la](#). Pou jwenn yon lòt destinasyon pou vizite wikenn sa a, tcheke [sitwèb](#) Pak Eta New York la.

Depi lè ensandi yo te kòmanse, yon efò kowòdone sou resous eta ak lokal yo te sou teren an pou eseye etenn ensandi yo. Ponpye yo ap travay nan yon kòmandman inifye konjwen ke Gad Forè Eta a yo ap dirije. Gad Forè yo gen anpil eksperyans nan kòmandman ensidan ak estrateji prevansyon kont ensandi akòz fòmasyon vas yo ak [misyon koperasyon yo pou lite kont ensandi nan forè](#) ak lòt eta. Lòt resous milti-ajans yo enkli Avyasyon Lapolis Eta New York, ki te angaje de elikoptè akkat pilòt chak jou, ki lage apeprè plis pase 500 galon dlo pa jou. Chak nan de elikoptè Black Hawk Gad Nasyonal Lame a te jete 12 so dlo chak èdtan, yon total 24,600 so galon, depi lè yo te deplwaye madi epi rete annatant pou ede. Divizyon Sekirite Teritwa ak Sèvis pou ljans Eta New York la te deplwaye tou Ekip Jesyon Ensidan (Incident Management Team, IMT) Eta a ak plizyè ekspè komunikasyon ijans pou bay plis sipò. Biwo Prevansyon ak Kontwòl Ensandi (Office of Fire Prevention and Control, OFPC) te aktive Plan Mobilizasyon Ensandi ak Èd Mityèl Eta ak Sant Operasyon Ensandi a pou asire kowòdinasyon alè resous adisyonèl yo.

Ven ponpye ki soti Quebec, Kanada, ki garanti atravè Kontra pou Pwoteksyon kont Ensandi nan Forè Nòdès (Northeastern Forest Fire Protection Compact) la, te rive jodi a. [Kontra](#), ki te etabli nan ane 1940 yo, bay eta manm li yo ak pwovens yo mwayer pou fè fas ak ensandi ki ta ka depase kapasite yon sèl manm atravè aktivite pataj enfòmasyon, teknoloji ak aktivite pataje resous (èd mityèl).

Komisè Depatman Konsèvasyon Anviwònmantal (Department of Environmental Conservation, DEC) Eta New York la Basil Seggos te deklare, "Wè domaj dife a dirèkteman bay yon gwo apresyasyon pou efò enkwayab Gad Forè DEC yo ap reyalize, pandan ponpye forè pwofesyonèl ak volontè yo ak anpil patnè eta, federal ak lokal nou yo ap rezoud pwoblèm sa yo. New York rekonesan pou èd novo fòs ki soti Quebec ak 109th Airlift Wing, epi li swete tout moun yon misyon ki an sekirite epi avèk siksè. Mwen remèsyé tou kominote a pou sipò yo bay tout moun k ap travay pou konbat dife a".

Komisè Pak Eta New York la, Erik Kulleseid, te deklare, "Mwen kontinye rete enpresyone ak rekonesan anvè anplwaye pak nou yo, ajans patnè yo, ak volontè k ap travay di pou konbat ensandi sa a. Pi bon fason pou sipò travay yo se rete Iwen

jiskaske Minnewaska an sekirite ankò pou vizite. Wikenn sa a, tanpri jwenn yon lòt kote pou w ale jwi".

Komisè Depatman Sekirite Teritwa ak Sèvis Ijans Eta New York la, Jackie Bray, te deklare, "Ajans eta nou yo ak patnè lokal yo ap travay men nan men pou konbat ensandi sa yo epi yo ka kontinye konte sou DHSES pou asistans ak kowòdinasyon jiskaske dife yo etenn. Danje ensandi rete wo nan rejon Mid-Hudson epi mwen ankouraje Nouyòkè yo pou rete vijilan ak an sekirite".

Sirentandan Lapolis Eta New York la, Kevin P. Bruen, te deklare, "Mwen felisite efò enfatigab Inite Avyasyon nou an ak patnè eta ak lokal yo paske y ap konbat ensandi sa a pou anpeche plis devastasyon nan rezèv pak la. Nou pral kontinye bay resous jan sa nesesè jiskaske ensandi a antre anba kontwòl".

Majò Jeneral Raymond Shields, Jeneral Adjwen New York lan, te deklare, "Gason ak fanm Gad Nasyonal New York la kontan dèské nou te ka ede yo fè fas ak dife sa a. Ekip ayeryen elikoptè nou an te lage plis pase 52,000 galon dlo sou dife a pou mete l anba kontwòl, epi ekip ensandi forè Gad Nasyonal Ayeryen New York nou an aktyèlman ap travay kòt a kòt sou liy dife a. Nou toujou kontan lè nou ka ede konpatriyòt Nouyòkè yo".

Chèf Egzekitif Konte Ulster a, Patrick K. Ryan te deklare, "Nan non tout kominote nou an, mwen vle remèsyé plizyè santèn ponpye brav ak premye sekouris ki riske lavi yo pou konbat ensandi forè sa a epi kenbe nou an sekirite. Mwen vle remèsyé Gouvènè Hochul tou pou repons rapid li ak lidèchip solid li, ansanm ak tout patnè eta, lokal ak entènasyonal nou yo ki te mobilize pou ede nou nan moman nou bezwen. Mwen trè fyè ke an repons a yon lòt dezas natirèl trajik nan Konte Ulster, tout kominote nou an ap mete tèt yo ansanm pou pwoteje ak pran swen youn lòt".

Sipèvizè Vil Wawarsing lan, Terry Houck, te deklare, "Mwen te trè enpresyone avèk repons kowòdone ajans eta ak lokal yo ki t ap konbat ensandi forè sa a depi kèk jou. Mwen vle remèsyé tout premye sekouris yo ak ponpye volontè yo ak fanm ki te fè yon travay enkwayab pou konbat ensandi an. Mwen vle remèsyé tou anpil manm kominote a paske yo pote manje ak dlo bay premye sekouris brav nou yo. Nou pa ka remèsyé nou tout ase".

Rejon Hudson Valley ak Catskill New York yo rete nan gwo risk pou ensandi ([gade Kat Danje Ensandi aktyèl la](#)), sa vle di ensandi deyò gen posiblite pou pwopaje byen vit, sitou si van an leve. Dife ka vin grav epi difisil pou kontwole sòf si yo metrize yo avèk siksè pandan yo piti.

Aktyèlman yo entèdi tout dife kan ak boukan dife anplenè nan Pak Eta nan Rejon Mid-Hudson lan. Vizite [parks.ny.gov](#) pou plis enfòmasyon.

DEC kontinye ankouraje Nouyòkè yo ak vizitè yo pou yo swiv konsèy sou sekirite ensandi yo pou diminye risk ensandi forè. Pou jwenn enfòmasyon sou sekirite boukan

dife anplenè ak dife nan New York, ale nan paj wèb [Boukan Dife Anplenè nan New York](#) ak [Sekirite kont Ensandi nan Kan](#) DEC la. Pou rapòte yon ensandi nan forè, rele 1-833-NYS-RANGERS epi rele 911 pou rapòte yon ensandi nan forè.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418